

सोना री कुंडी राजा,  
रूपा री जारी,  
गोपीचन्द राजा,  
नाया री डीकरा,  
माता रा लाला,  
ए गोपीचन्द राजा,  
अरे स्नान करवा बैठा,  
नाया रा डीकरा,  
स्नान करवा बैठा हो जे,  
स्नान करवा बैठा हो जे ॥

अरे बिना बिजलीया छोरा,  
बिना बादलीया नायो रा छोकरा,  
आ ठंडी ठंडी लेहर,  
कटासु आवे हो जे,  
आ हवा कटासु आवे हो जे ॥

हाथ सु कहतो राजा,  
हाथ कटीजे गोपीचन्द राजा,  
मुखडा सु कयो नही जावे हो जे,  
हाथा सु बतायो नहीं जावे हो जे,  
निजरा सु बतायो नहीं जावे हो जे ॥

आज री बाता तो छोरा,

भाई ने कहीजे,  
नायो रा छोकरा,  
अरे देखी जेडी कहीजे हो जे,  
अरे सुनी जेडी कहीजे हो जे,  
अरे भाली जेडी कहीजे हो जे ॥

अरे बादलीया मेहला मे राजा,  
जरणी तो रोवे गोपीचन्द राजा,  
आ जनम जोगनी रोवे हो जे,  
आ माता थारी रोवे हो जे ॥

अरे मारे शहर में माजी,  
दुखीयानी जानीया,  
मारी जगत जोगनी,  
अरे सुखीयो शहर कहावे हो जे,  
अरे नर नारी सब सुखीया हो जे ॥

अरे मनडो वैरागी राजा,  
दिलडो उदास गोपीचन्द राजा,  
अरे जीव जोग मे लागो हो जे,  
अरे जीव भक्ति में लागो हो जे,  
अरे मन भक्ति में लागो हो जे ॥

सोना री कुंडी राजा,  
रूपा री जारी,  
गोपीचन्द राजा,  
नाया री डीकरा,

माता रा लाला,  
ए गोपीचन्द राजा,  
अरे स्नान करवा बैठा,  
नाया रा डीकरा,  
स्नान करवा बैठा हो जे,  
स्नान करवा बैठा हो जे ॥

गायक गायक प्रकाश माली जी ।  
प्रेषक मनीष सीरवी  
9640557818

Source:

<https://www.bharattemples.com/sona-ri-kundi-rajara-rupari-jari-gopichand-rajara/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>